

玉

海

六十四

王海卷第一百二十九

浚儀王應麟伯厚甫

官制

儲官 訓導東宮事附

唐東宮

會要

兼實錄

武德九年六月改東宮弘禮嘉福等門爲

光宣門貞觀十七年十一月誕皇孫宴宮僚于弘教

殿

自殿北門入幸東宮

顯慶元年六月改東宮弘教殿爲崇教

殿咸亨四年七月庚午皇太子新宮成帝親送太子

入宮五品已上宴會奏樂長安二年正月十七日左

庶子王方慶奏東宮門殿多觸太子名請改之以協舊典永正元年六月乙未皇太子見百僚於東朝

長安志東宮在太極宮中自承天門而東其第三門

曰重明門

即東宮正門也

殿曰明德本顯德殿武德九年八

月甲子太宗卽位于此

中宗爲太子改明德

高宗以正德二年

生于麗正殿皆在東宮

魏徵曰武德殿在東宮之西

開元後太子不居東宮但居乘輿所幸之別院 岑

文本傳晉王爲太子大臣多兼宮官帝欲文本兼攝

辭曰不願希恩東宮請一心以事陛下帝乃止但詔

五日一參東宮每進見太子荅拜

又太宗敕劉洎岑

文本馬周遞日直東宮

通典受朝集使參辭設幄

座於東宮正殿東序西向設宮臣次於重明門外謁太廟宿齋於正殿設宮官次於東宮朝堂

神異經曰東方有宮青石爲牆高三仞左右闕高百丈畫以五色門有銀榜以青石碧鏤題曰天地長男之宮 晉太元十七年八月新作東宮 北齊議者

引晉舊事太子在東宮西面爲避尊位

通典

徐廣

東宮頌曰禮樂承軒與冊授庭命服惟九龍旗鸞旌

初學記

唐重明門 又見冠禮

禮志皇太子加立服九品以上皆詣東宮朝堂宮臣
皆朝服其餘公服集於重明門外朝堂納妃前一日
衛尉設次於東朝堂之北西向又設宮官次於重明
門外其日皇太子服袞冕出升金輅至承天門降輅
就次 通典皇太子謁太廟設宮官次於東宮朝堂
典儀設宮臣位於重明門外所司依鹵簿陳設於重
明門外皇太子會宮臣如常會之儀宮臣上禮朝服
集東宮南門之左正至受羣臣賀設羣官等次於東
宮朝堂四部伎立於左右嘉善門外

唐太極殿冊太子

見冊禮及殿類 姚珽上書曰銀榜銅樓宮闈嚴祕
門閣來往皆有簿籍

唐臨軒冊命

見冊禮

通典開元禮臨軒冊命皇太子

設御幄座

於太極殿

朝皇后謁太廟皇帝會羣臣

上壽

羣臣上

禮皇后受羣臣賀皇后會命婦

上壽

皇太子會羣臣

會宮臣宮臣上禮內冊皇太子臨軒命使皇太子受

冊皇太子朝謁

詣皇帝皇后所御殿

唐貞觀賜太子典籍

會要貞觀十七年十一月二十八日誕皇孫宴宮寮

於弘教門太宗幸東宮自殿北門入謂宮臣曰頃來
生業稍可非乏酒食而唐突公等宴會朕有甲觀之
慶故就卿爲樂耳謂太子曰爾國之儲貳府藏是同
金玉綺羅不足爲賜但先聖典籍可爲鑒誡耳因賜
尚書毛詩孝經各一部太子太傅蕭瑀曰今所賜書
請陳其要申明義趣可爲深戒者皆委曲言之上大
悅以爲師傅得人是歲四月立晉王爲皇太子己亥
御兩儀殿陳孝德以戒之閏六月
語侍臣曰自太
子立遇物必誨

唐貞觀皇太子釋菜於太學 景雲皇太

子釋奠於國學 開元皇太子入學齒

紀太宗貞觀二十一年二月丁丑皇太子釋菜於太

學高宗紀章元年二月丁巳皇太子弘釋奠於

國學開耀元年二月丙午皇太子釋奠於國學

睿宗景雲二年八月丁巳皇太子釋奠於國學先天

元年即太極元年二月丁巳皇太子釋奠於國學玄宗開

元七年十一月乙亥皇太子入學齒胄賜陪位官及

學生帛禮樂志貞觀二十一年許敬宗等奏請國

學釋奠以祭酒司業博士爲三獻會皇太子釋奠自

爲初獻以祭酒張後嗣亞獻光州刺史攝司業趙弘

智終獻總章元年太子弘釋奠於學贈顏回爲太子

少師曾參少保睿宗太極元年始贈顏回太子太師
曾參太子太保配享 玄宗開元七年皇太子齒胄
於學謁先聖詔宋璟亞獻蘇頌終獻臨享天子思齒
胄義乃詔二獻皆用胄子祀先聖如釋奠右散騎常
侍褚無量講孝經禮記文王世子篇 會要貞觀二
十年二月詔皇太子於國學釋奠於先聖先師皇太
子爲初獻張後嗣趙弘智亞終獻旣而就講弘智演
孝經忠臣孝子之義右庶子許敬宗上四言詩以美
其事永隆二年二月六日皇太子親行釋奠之禮禮
畢上表請博延耆碩英髦之士爲崇文館學士於是

薛元超表薦鄭祖元鄧元挺楊炯崔融等爲學士景

雲二年七月

七月
恐誤

皇太子親釋奠于國學有司具儀

注從臣皆乘馬著衣冠左庶子劉子元進議曰專車

馮軾可擐朝衣單馬御鞍宜從褻服其乘馬衣冠竊

謂宜從廢改皇太子令付外宣行仍編入令以爲常

式

車服志亦載此
事謂睿宗時

太極元年二月二十八日皇太子

親釋奠開講筵國子司業褚無量執經開孝經及禮

記題太子問疑義數條開元七年十一月十一日以

貢舉人將謁先師質問疑義敕皇太子及諸子宜行

齒胄禮二十一日皇太子謁先聖爲初獻亞獻終獻

並以胄子充大曆五年八月皇太子行齒胄禮於國
學司業歸崇敬以國學及官名不稱請改之疏奏不
從建中元年正月辛未制皇太子時幸太學行齒胄
禮諫議孔述睿充侍讀

梁天監八年皇太子釋奠周捨議請依東宮元會太
子著絳紗襖樂用軒垂九年三月乙未詔皇太子及
王侯之十年在從師者皆入學

唐帝範詳見御製

藝文志儒家太宗帝範四卷賈行注 會要貞觀二
十三年正月二十日太宗撰帝範十二篇崇文館賜

皇太子願謂王公曰飭躬闡政

一作修身治國

之道備在其

中矣

一云貞觀二十二年正月己卯作君體建親求賢審官納諫去讒戒盈崇儉賞罰務農崇文

敬宗寶曆二年五月著作郎韋公肅注太宗文皇帝

帝範一十二篇上之

通鑑貞觀十七年閏六月上

謂侍臣曰自朕立太子遇物則誨之

云云

崇賢有

館司議有郎典書有坊

開元製訓戒之書元和集君

臣之迹

唐寢殿別院

高宗紀太宗嘗命皇太子遊觀習射辭以非所好願得奉至尊居膝下太宗大善乃營寢殿側爲別院

會要

貞觀二年使太子居之太宗每視朝皇太子常侍觀決

庶政褚遂良傳時帝於寢宮側前置院居太子遂

良諫以爲朋友深交者易怨父子滯愛者多愆宜許

太子間還東宮近師傅專學藝以廣懿德帝從其言

開元後太子不居東宮處乘輿所幸別院遂良疏曰周兩問安三至必

退漢儲視膳五日乃來崔融表云周儲故事一日

三至於寢門晉兩舊儀一月五朝於左閤

唐詩纂序

許叔牙傳晉王爲太子叔牙爲府官獻詩纂義十篇
太子寫付司經高智周見之曰欲明詩者宜先讀此

晉王高
宗也

唐承華箴

李義府傳高宗爲太子除義府舍人獻承華箴震維
標德離宮體正望誠登俎高諭喬枝

唐青宮紀要 天訓 少陽政範

藝文志儒家類武后紫樞要錄十卷臣軌二卷百寮

新誠五卷青宮紀要三十卷少陽政範三十卷列藩

正論三十卷凡武后書皆元萬頃等撰章懷太子春宮要錄十卷

修身要覽十卷武后訓記雜載十卷采青宮紀要維城典訓古今內

範內範要略等書爲雜載維城典訓二十卷故事類春坊舊事

三卷

失姓名

杜正倫春坊要錄四卷儀注類蕭子雲東

宮雜事二十卷陸開明宇文愷東宮典記七十卷

舊制青宮要記十卷天后撰

崇文總目同

會要高宗顯

慶二年六月上製元首前星維城股肱誠令許敬宗

等注釋名曰天訓

志高宗天訓四卷

章懷太子傳后撰少

陽政 孝子傳賜賢

唐青宮要錄

舊志儒家青宮要錄十卷修身要錄十卷並章懷太

子撰

唐孝經章句

見前 孔穎達

唐孝德後傳

郎餘令傳孝敬皇帝在東宮餘令以梁元帝有孝德傳更撰孝德後傳數十篇獻太子太子嗟重之
文志孝德後傳三十卷

唐搖山玉彩

孝敬皇帝 引 傳高宗顯慶四年加立服命賓客許敬宗右庶子許圜師中書侍郎上官儀等即文思殿摘采古今文章號搖山玉彩凡五百篇書奏賜物三百段餘臣賜有差 藝文志類書許敬宗搖山玉彩五

百卷

一作瑤山玉彩
龍朔元年撰

唐諭善箴

韋承慶傳爲太子司議郎儀鳳中進諭善箴太子頗

嘉納

唐翼善記

褚無量傳玄宗爲太子拜無量國子司業兼侍讀無

量撰翼善記以進厚被禮答

景雲元年

太子釋奠國學令

講經建端立義博敏而辯錫予蕃渥進銀青光祿

夫

無量碑云所撰儲君翼善二十篇帝王要覽二

十三卷帝王紀錄三卷